

國家圖書館藏

中華歷史人物別傳集

綫裝書局

民國二十六年三月印行

民國十五蔣介石先生 年以前之

民國十五蔣介石先生
年以前之

例言

一、是編謹述公整個學行事業。譜爲個人紀年史傳。

一、是編分八時期。曰幼年。曰少年。曰留學。曰光復。曰違難。曰韜養。曰黃埔訓練。曰北伐開始。

一、是編參輯總理及本黨史蹟。以正革命

民國十五蔣介石先生
年以前之

例言

系統。而溯成功所自。

一、是編夾敘對象背影。並於年終附著本年

革命中外環境。

一、是編自公三十二歲起。事狀遞演加繁。敘

法亦漸次臻詳。

一、是編旁引諸同志事迹及電牘。以資參證。

惜已缺失若干。

一、是編備載公文章講話。其前後重複者。姑

第一編 幼年時期
第二編 少年時期
第三編 留學時期
第四編 光復時期
第五編 違難時期
民國紀元前二十五年至民國
五年卽一歲至三十歲

從節略。

一、是編附公家庭及外家各傳誌全文。以昭本源之所在。

一、是編所紀年月日。在民國以前。仍用陰曆。民國以後。則用陽曆。

一、是編所印極少。關於各方史事。如有錯誤。應俟賢達_{以下}教再版更正。

編者誌

民國十五年蔣介石先生
年以前之

例言

二

民國十五年蔣介石先生

目錄

第一編 幼年時期

民國前二十五年至民國前十七年即一歲至九歲

第一冊

第二編 少年時期

民國前十六年至民國前八年即十歲至十八歲

第一冊

第三編 留學時期

民國前七年至民國前二年即十九歲至二十四歲

第一冊

第四編 光復時期

民國前一年至民國元年即二十五歲至二十六歲

第一冊

第五編 違難時期

民國二年至五年即二十七歲至三十歲

第一冊

第六編 韜養時期

民國六年至十二年即三十一歲至三十七歲

第二冊至第五冊

第七編 黃埔訓練時期

民國十三年至十四年即三十八歲至三十九歲

第十六冊至第十三冊

民國十五年蔣介石先生
年以前之

目錄

一

第八編 北伐開始時期

民國十五年
即四十歲

第十四冊至
第二十冊

民國十五年
年以前之蔣介石先生

目錄

二

最近玉照之一



民國二十五年五月十五歲

民國十五年
年以前之蔣介石先生

肖像

最近玉照之二



民國二十六年十一月一歲

民國十五年蔣介石先生
年以前之

肖像

二



國民紀元前八年十八歲

改革教育 開發經濟
 調濟勞資 統制工商
 平均地權 扶助耕農
 獎勵體育 崇志禮義
 恢復領土 爭回主權
 實行主義 完成革命

中正

民國十五年蔣介石先生
年以前之

肖像

三



國民五年三十三歲




國民前一年二十五歲

侍王太夫人攝影



歲四十四年九國民

侍總理攝影



歲八十三年三十國民



歲十四年五十國民

一忠勇為愛國之本
 二孝順為齊家之本
 三仁愛為接物之本
 四信義為立業之本
 五和平為處世之本
 六禮節為治事之本
 七服從為負責之本
 八勤儉為服務之本
 九整潔為治身之本
 十助人為快樂之本
 十一學問為濟世之本
 十二有恆為成功之本

中正

第一編 幼年時期

民國前二十五年至民國前十七年即一歲至九歲

公名中正字介石原名周泰字瑞元學名志清後自改今名姓蔣氏浙江奉化人其先出自周公第三子伯齡東漢山亭侯澄族系唐時由台州而遷至縣之三嶺逮五季周時有霸公者參乘盤山寺師事活佛布袋和尚世稱摩訶居士至宋神宗時浚明公上書論君子小人之黨言動朝廷豐稷薦除大理評事遷金部員外郎以直言遭邊謫稷又因其母老爭止授無爲軍司戶改建康戶曹卒累贈金紫大夫入祀鄉賢子琬公與兄中奉公先後登進士宰建昌蔡脩諭公隱括逃田且以薦章咎公公對使者焚其書晚歲甚爲張魏公器重仕至朝請朝議大夫琬公會孫峴公登慶

民國十五年蔣介石先生

第一編 幼年時期

民國十五年蔣介石先生

第一編 幼年時期

元二年進士官至刑部尚書以寶章閣學士乞祠歸居恆自矢勿欺心勿負主勿求田勿問舍號曰四勿居士至元季仕傑公遷至武嶺因當剡溪之口故亦名溪口武嶺屬縣之禽孝鄉其地剡水鏡涵武山枕藉市廛櫛比阡陌雲連雪竇徐鳧二山名諸勝遙相映射耕讀咸宜漁樵足樂可商可隱洵世外桃源也遂卜居而安之仕傑公孫忠諫公自幼稟異質氣度不凡術士吳國才謂其後必大蕃昌又十傳而至公會祖祁增公累世孝弟力田不仕滿清祖玉表公考肅菴公代昭令德與妣王太夫人克著徽儀詳本編所錄誌狀

民國紀元前二十五年清光緒十三年丁亥（西曆一八八七）公一歲

公以九月十五日未時誕生於武嶺玉泰

鹽舖內之祖宅。乃祖玉表公命名曰瑞元。
是年距太平天國之亡二十三年。安南割
於法國二年。

總理時二十二歲。肄業香港雅麗醫學校。
始圖傾履滿清。

民國紀元前二十四年。清光緒十四年。戊子（

西曆一八八八）公二歲。

民國紀元前二十三年。清光緒十五年。己丑（

西曆一八八九）公三歲。

是年三月。清西太后那拉氏罷臨朝。德宗
親政。

民國紀元前二十二年。清光緒十六年。庚寅（

西曆一八九〇）公四歲。

是歲除夕。公忽發奇想。欲測知自口至會
厭深度。戲以箸探之。既入。不得出。暈絕。經
醫救始甦。昧旦。玉表公往問公母曰。一元

民國十五蔣介石先生
年以前之蔣介石先生

第一編 幼年時期

三

孫得毋啞乎。公在夢中躍起曰。孫能
言不啞。一聞者皆啞然。

民國紀元前二十一年。清光緒十七年。辛卯（
西曆一八九一）公五歲。

民國紀元前二十年。清光緒十八年。壬辰（西
曆一八九二）公六歲。

是春。玉表公特聘任介眉爲家塾師。課公
讀。公幼好嬉。尤樂水門。臨清溪時出游。

民國十五蔣介石先生
年以前之蔣介石先生

第一編 幼年時期

四

泳山洪。暴至。險遭滅頂者。再去冬。見簷前
缸水凍冰。圓明如鏡。喜極。直前撲取之用
力過猛。致身倒植缸中。久之。乃得出。氣息
僅屬。王太夫人憂之。請於翁。故未及學齡
卽送入塾。

是年。總理創立興中會於澳門。

民國紀元前十九年。清光緒十九年。癸巳（西
曆一八九三）公七歲。

公智識稍開。喜舞玩刀棒。嘩召鄰舍子。效軍隊戰鬪狀。自爲大將。部署羣兒。指揮之。或高視闊步。指畫天地。登壇說故事。以爲戲。

是年秋。總理北遊天津。上書於李鴻章。

八月。清廷准出使大臣薛福成奏請。弛除海禁。

民國紀元前十八年。清光緒二十年甲午（西

年以前之蔣介石先生

第一編 幼年時期

五

曆一八九四）公八歲。

改從蔣謹藩。讀大學中庸完。

十月二十四日。玉表公卒。享年八十有一。

葬於村北之石鱗壩。幡竿垵。民國七年

四月。公追述行狀曰。曾大父祁增公。長子

曰斯生公。仲子曰斯水公。玉表公序居其

季。諱斯千。德配大母徐太夫人。其淮公之

女子子也。生子二。長曰世昭公。次曰肅菴

公。仲大父斯水公無子。遺命以世昭公爲

其後。孫四人。周良。周清。出自世昭公。錫侯

與中正。出自肅菴公。以伯大父斯生公無

孫。遺命以錫侯繼。肇餘公爲斯生公後。而

中正獨奉玉表公祭祀云。吾族自仕傑公

遷居錦溪以來。累世力勤穡事。敦崇禮讓。

勝清三百年間。未有一人求通仕籍者。至

公以貨殖起家。兼居積鹽鹺。生計日漸饒

年以前之蔣介石先生

第一編 幼年時期

六

裕。性慈善。待人以恕。而教子孫則嚴。衣布

茹素。耽好內典。辨晰宗派。嘗手鈔貝編。若

千種。今皆散佚。不可得而見也。公體魄老

益強。其歿之前一年。尙攜中正往深山竹

林。憩法華寺。諷經禮佛。是時中正年僅七

齡。跳舞下坡。忘其所以失足。墮阮谷。破傷

右額。血流注不止。公疼惜無所措。乃哀鮮

藥。爲之醫。俄而瘡痕平復。歸來。吾母未之

覺及告以狀深爲之異。中正少善病。公臨

牀診視。甚至終夕不寐。如吾母今日之撫

育緯兒者。故中正疾多賴公手而得愈。至

今吾母追念不能忘。錦溪爲寧紹台三屬

匯集之要衝。溪北有菴。名曰武嶺。行旅往

來多有飢弗得食。渴弗得飲者。公乃施茶

給食以濟之。凡六七年。親友有婚喪不舉

緩急相告者。必鑒其所求而去。鄉中飾廟

構祠。開道築隄。諸公共建設。捐輸靡所吝

趨赴若不及。蓋其得力於佛學者深而博

愛之旨趣充然溢乎事境如此也……

是年秋。總理赴美洲檀香山設立興中

會。

五月。朝鮮內亂。清遣兵援之。七月。與日本

宣戰。陸海軍皆敗。旅順口威海衛相繼陷。

民國紀元前十七年。清光緒二十一年。乙未。

民國十五年
以前之蔣介石先生

第一編 幼年時期

七

西曆一八九五。公九歲。

春復從任介眉讀四子書完。任課徒極嚴

酷。六月間染疫死。王太夫人仍延蔣謹藩

爲塾師。

七月初五日。肅菴公卒。孫洪伊胡漢民爲

之傳。朱大符汪兆銘誌其墓。朱大符墓

誌銘曰。吾友蔣子中正爲余言曰。『吾九

歲而喪父。今幾二十年。未嘗須臾忘吾父

未歿時之言也。吾父之歿也。吾母王太君

在側。吾父顧吾及幼妹。指謂吾兄曰。『爾

弟妹幼。吾死後。爾母必哀痛。不自勝。爾年

長。其能盡孝。致友以慰吾心耶。』吾兄承

涕自任。乃瞑嗚呼痛哉。吾父性剛直。處事

公。接物以誠。容貌毅重。自持勤儉。其所以

訓亦若是。方吾始就傅時。吾父引而訓之

曰。『吾少承先人業。不克服勞於國。然猶

民國十五年
以前之蔣介石先生

第一編 幼年時期

八

莫於鄉黨施教育。矯去敝俗。今者吾當盡力。使親族敦睦。閭閻無驚。而爾輩得一意讀書。異日倘有所成。亦可稍補吾憾也已。一暨晚歲。則愛吾兄弟。逾切而督責之。亦愈嚴。今吾父葬。未有志也。子曷爲之銘。』大符自得。交蔣子方。相期以節行。讀蔣子所記肅菴先生事略。知其思深沉而行勇敢。有自來矣。不敢辭謹案。記先生諱肇聰。

不平者。傾資助之。使必勝。狡者懲焉。故訟日減。而茲非自絕。自先生之歿。鄉人有訟與父老。往往相與歎息。言曰。『肅菴先生在不。至是也。』其澤施入人深。久且不忘。若是。自先生興鹽業於頽敗之餘。鄉人皆知先生能。每有約議。非先生言不決。鄉人立社於錦溪之左。曰武山。有田產甚豐。主之者因以爲茲利紛不可治。鄉中耆碩議謂非先生不能理斯社也。堅要任社首。三請先生未之允。乃至奉社公主。就先生家祀之。得諾乃已。先生卒。治其社數年。產倍於初。諸所爲鄉黨公共盡力者。皆類是。而尤致力於義塾。士貧不克學者。皆資助之。所育成者甚衆。大符惟今世人。往往自治其業而饒。其治公共之業。則虧。其愿者獨善其身。乃避事不任。故事係屬於鄉邑者。

類弛萎不可語俗益偷國與俱蹶夫傳以見義不爲爲無勇若先生者可謂勇於爲善者矣而其所以訓子者一何耿然不自滿也蓋內行備者不必身試之於事功而澤之積也必有所宣今蔣子從總統孫逸仙先生光復中華志行動當世而益厲於學於先生之所志庶幾無缺乎先生之卒也以民國前十五年七月五日年五十

四初娶徐氏生子錫侯女瑞春而卒繼娶孫氏無子卒又娶王氏生子中正瑞青女瑞蓮瑞菊錫侯爲邑名諸生中正爲陸軍少將瑞春適同邑宋式倉瑞蓮適同邑竺芝珊瑞青瑞菊幼殤孫三人國柄經國緯國皆幼讀錫侯中正既以民國二年三月三十一日葬先生於錦溪村北桃坑山之右巔謹屬比勒銘銘曰志匡國家澤在鄉

士子承其德業光於祖松楸百年精爽萬古中華民國七年八月朱大符撰是年正月二十七日總理在港成立興中會幹部

三月清廷與日本議和承認朝鮮爲獨立國割臺灣遼東賠兵費二百兆兩訂立馬關條約逾月俄德法迫日本歸我遼東增償兵費三十兆兩

八月總理進行第一次革命約期舉事

廣州九月十日清吏偵破機關查獲械彈陸皓東丘四朱貴全被捕遇害

第二編 少年時期

民國前十六年至民國前八年即十歲至十八歲

民國紀元前十六年。清光緒二十二年丙申（

西曆一八九六）公十歲。

仍從蔣謹藩讀。至戊戌冬止。凡閱三年半。謹藩嘗謂王太夫人曰：「令郎天資穎異。他日必成大器。汝節操貞潔。天固有以報之也。」

民國十五蔣介石先生

第二編 少年時期

王太夫人始教以禮。嘗於將蒞祀事。詔之曰：「凡升降拜跪。必須與音樂節奏相應。合兒毋忘旗。」

是年十月十一日。總理蒙難於倫敦。幽禁中國駐英使館。凡十三日。以香港醫校教員英人康德黎營救。得釋出。

民國紀元前十五年。清光緒二十三年丁酉（

西曆一八九七）公十一歲。

聞謹藩師講美國共和國歷史。至「大總統爲國家公僕。出入扈從甚簡」云云。聽者皆訝。公起立言曰：「大總統是一個人。平民亦是一個人。總統行動固應如平民何足爲奇。」謹藩頷之。

少時承王太夫人命侍客。侑觴務至醉。客或舉粗饌。急掣箸使不得下。并卽撤去。臥具必進華美者。其天性慷慨如此。

民國十五蔣介石先生

第二編 少年時期

民國紀元前十四年。清光緒二十四年戊戌（西曆一八九八）公十二歲。

讀詩經卒業。間習古文辭。學作制藝。

三月二十三日。弟瑞青亡。僅四齡。王太夫人憐其幼慧。哭之慟。葬於石簾畧祖塋左旁百餘步。後王太夫人欲勿殯。冥配王氏女嗣以公長子經國。公有

哭弟文。

是年正月。總理在倫敦以考察歐洲政

治經濟風俗之喻得確定三民主義五權憲法爲中國革命方針

二月清廷與德國訂租借膠州灣條約

三月俄國要求訂租借旅順口大連灣條約

四月英國要求訂租借九龍條約五月又徇英國要求訂租借威海衛條約

清德宗銳意變法嚮用康有爲等至八月

民國十五年蔣介石先生

第二編 少年時期

三

西太后那拉氏以其逼再臨朝幽德宗於瀛臺黜新政殺黨人康逃日本組織保皇黨

八月清廷命直隸按察使袁世凱以侍郎候補專辦練兵事宜世凱極意擴張勢力北洋軍閥始此

冬清廷始派北洋學堂南洋公學等學生

赴日本留學

民國紀元前十三年清光緒二十五年己亥（西曆一八九九）公十三歲

嵯邑姚宗元設帳於葛溪溯源堂

公外家王氏祖

祠

往從之受尙書嘗命作「竹」詩應聲

成「一望山多竹能生夏日寒」二句姚

深讚賞時語公諸舅曰「汝甥悟力非常

若教養得法前程豈可限量」一日革命

先進竺紹康騎馬造館與姚劇談公注視

民國十五年蔣介石先生

第二編 少年時期

四

良久異其氣貌軒舉並愛其所乘馬牽至野外放牧百般戲弄馬怒號突前嚙公背血流仆地

暑期放假歸入門見王太夫人未開言即嚎啕大哭越時聲益淒自此每外出輒淚眼盡赤哀動鄰舍王太夫人亦避入隔房泣少頃復出勸以圖上進始就道至一二十里外猶哽咽寡母孤兒之情景其可憐

也若是。

嘗有一相者。每年來鄉。必過公家。摸公腦部而自念曰。『吾未見如此骨相。咄咄此孩。殊奇特。』如是者不止一二次。後忽不至。王太夫人常形容其狀態。以資談柄云。是年十月。清廷與法使訂租借廣州灣條約。

民國紀元前十二年。清光緒二十六年。庚子（

民國十五年蔣介石先生

第二編 少年時期

五

西曆一九〇〇）公十四歲。

表伯陳春泉聘毛鳳美爲家塾師。往榆林

附讀。受易經卒業。

辭家時王太夫人訓之曰。出門人應隨處謹

慎。小心時提防不測。先避凶險。慢言吉利。兒謹識之。

王太夫人遵肅菴公遺命。循賈區成業。又

極意護殖。竹林常囑公隨其舅氏上山鍛

鍊身體。平日伴操作。母造飯。兒爨薪。母拂

床。兒摺褥。母喂蠶。兒剪桑。昇肥料。灌園以

爲樂。惡衣惡食。不自取。其家風儉勤。有如此。

是年五月。義和團構亂。八國

英俄法德美日奧意聯

軍破京津。清西太后那拉氏挾德宗奔西

安。

閏八月。總理進行第二次革命。鄭士良

發難惠州。屢挫清軍。旋以失外援潰敗。

民國紀元前十一年。清光緒二十七年。辛丑（

民國十五年蔣介石先生

第二編 少年時期

六

西曆一九〇一）公十五歲。

從竺景崧受業。讀於崎山下皇甫氏家館。

左傳卒業。始學作策論。

冬與毛氏女結婚。王太夫人以門祚式微。

乃早爲完娶。俗例新夫婦交拜畢。必獻茶。

尊屬。王太夫人感懷。背眠泣。公亦泣。已而

起面承。且訓之曰。『余自汝父逝世。撫育

汝。至今日成室。不知余有多少傷心事。願

汝長大立業。不忘平日教養之辛苦也。一
公跪哭聽受。

是年七月。清廷與各國媾和。議定辛丑條
約。償戰費四百五十兆兩。作利息四釐。國債按年攤還。即所謂庚子賠款。

十一月。清西太后那拉氏及德宗還京。

民國紀元前十年。清光緒二十八年壬寅（西
曆一九〇二）公十六歲。

民國十五年蔣介石先生

第二編 少年時期

七

毛思誠授徒於嚴溪故廬。公往從之。溫習
左傳。圈點綱鑑。其戲嬉也。以講舍爲舞臺。
以同學爲玩物。狂態不可一世。迨伏案讀
書。或握管構思。雖百紛囂然於其側。冥無
所覺。一刹那間。靜躁如出兩人。思誠深異
焉。

夏間。舉行童子試。好奇心動。往應之。親歷
場規苛辱。痛詆滿清賤視士子養成腐惰。

卑污之習。旋聞袁世凱奏廢科舉。興學校。
則大快。

是年五月。清廷任袁世凱爲直隸總督。

民國紀元前九年。清光緒二十九年癸卯（西
曆一九〇三）公十七歲。

始入邑城鳳麓學堂。習英文。算術。受新式
教育。因改良校務問題。同學推公言諸當
事者。立應盛氣趨前。情態激烈。校董凌某

民國十五年蔣介石先生

第二編 少年時期

八

怒。欲除其學籍。送官懲治。以同學抗阻。得
免。是時學校課目。仍重經史。竺磨祥清翰林
主講禮記。歷史。周鳳祺主講周禮。

是年十一月。清廷設練兵處。以徐世昌爲
提調。段祺瑞爲軍令司正使。王士珍爲軍
學司正使。北洋軍閥始盛。

十二月。日本因俄兵入據奉天。正式宣戰。
清廷通告局外中立。

民國紀元前八年。清光緒三十年甲辰（西曆

一九〇四）公十八歲。

鄞縣顧清廉講學於郡城箭金學堂。在城北西

河沿文昌閣公從之遊。嘗謂「吾國載籍之繁

富學術淵源之廣遠得略涉其涯涘以及

通曉讀書法窺見漢文門徑皆顧先生一

手陶成之。」清廉治性理學平日誨弟子

務變化其人氣質察公器識不凡獎勉交

民國十五年蔣介石先生
年以前之蔣介石先生

第二編 少年時期

九

至日夕講經之餘又以周秦諸子說文解

字及曾文正集授之並勗公讀孫子習知

兵法以備捍衛國家且謂「青年欲大成

求新當出洋留學異邦」公默識嚮往乃

始發憤奮志於革命事業

清廉縱談國聞每盛道中國革命黨魁

孫文輒用神馳聽其述總理被囚倫敦

中國公使館友人爲代聘律師辯護竟得

保釋甚贊英國法律平等不覺喜舞之何
似。

三月兄錫侯補奉化縣學附生。

是年春總理由日本抵檀香山尋赴美

洲所至鼓吹革命始與黃興等聯絡著論

文曰「中國問題之真解決」爲本黨最

初對外宣言。

民國十五年蔣介石先生
年以前之蔣介石先生

第二編 少年時期

十